

續修四庫全書



《續修四庫全書》編纂委員會編

續修四庫全書

上海古籍出版社

三三二一・史部・別史類

東南紀事十二卷〔清〕邵廷采撰……………一

西南紀事十二卷〔清〕邵廷采撰……………九五

南疆逸史五十六卷〔清〕溫睿臨撰跋一卷〔清〕楊鳳苞撰……………一七七

小腆紀傳六十五卷〔清〕徐 撰補遺六卷〔清〕徐承禮撰（卷一至卷三十四）……………五〇五

10/0822

東南紀事

〔清〕

邵廷采撰

據清光緒十年徐幹刻本
影印原書版框高一七
二毫米寬二四二毫米

東南紀事

東南紀事目錄

卷一

唐王聿鍵 弟聿鏐 聿錫

卷二

魯王以海

卷三

黃道周

蔣德璟

路振飛

曾櫻

傅冠

東南紀事

目錄

卷四

金聲

楊廷麟

萬元吉

曹學佺

姜一洪

吳聞禮

鄭爲虹

王士和

胡上琛

蘇觀生

卷五

張國維

徐石麒

熊汝霖

孫嘉績

錢肅樂

朱大典

余煌

陳潛夫

陳函輝

張肯堂

吳鍾巒

卷六

鄭遵謙

劉穆

王之仁

王正中

于穎

吳易

卷七

東南紀事

目錄

一 邵武徐氏刊

王翊

王江

邵一梓

俞國望

陳天樞

王善長

章欽鄰

馮京第

卷八

王毓著

潘集

周卜年

倪舜年

高岱

沈之泰

徐復儀

趙天麟

華夏

卷九

張煌言 羅綸 葉振名

卷十

黃斌卿 周崔芝

張名振

卷十一

鄭芝龍 鄭成功

卷十二

東南紀事

目錄

三 邵武徐氏刊

鄭成功 鄭鴻達

明人讀書能尙氣節辨義利富南都淪覆鼎命已移
遣臣藉閩浙滇粵殘局奉屏王以支撐山陬海濱
年雖跋涉逃竄疲於奔命而忠義感發不計成敗固足以
維繫綱常矣明季野史雖多非限於見聞卽取材厯雜其
開善本蓋寡

國朝纂修明史自有體裁不暇詳爲紀掇餘姚邵念魯先生
康熙時人距明季未遠尙有一二耆老可資諮訪又海
內平一故其見聞亦非限於方隅者可比撰東南紀事十
二卷以存魯王唐王西南紀事十二卷以存桂王辭尙體
東南紀事跋

要無慚作者昔常璩著華陽國志崔鴻著十六國春秋馬
令陸游皆著南唐書載記一類實輔正史並行軼事遺聞
賴以不泯邵氏此書亦其次也惜書成未刻僅鈔本流傳
往年馬端愍公撫浙擬刻此書懸百金求其本不可得
幸得見之遂刊諸梨棗冀勝國諸臣忠義之烈久而彌新
且與華陽國志諸書並傳不朽亦藝林勝事也光緒甲申
九月邵武徐餘識

東南紀事卷一

餘姚邵廷采念魯撰 邵武徐 幹小勿校刊

唐王聿鍵 弟聿錫 聿錫

唐王聿鍵小字長壽太祖第二十四子唐定王之後定王
李賢妃出也洪武二十四年封於唐國南陽永樂六年之
國子靖王靖王無子傳弟憲王再傳莊王成王復無子傳
弟恭王之子敬王敬王繼統二十餘年壽七十一世宗時
屢存問再傳順王端王端王之孫是爲聿鍵自定王至聿
鍵凡九世初封德昌王父世子義母毛氏端王惑嬖妾因

東南紀事 卷一 邵武徐氏刊

義承奉所聿鍵方三歲從之稍長讀書能識大義雖處內
難正志不挫義爲弟所毒端王諱之將傳次子守道陳奇
瑜入弔謂王曰世子薨逝不明若又不立其子事必發覺
王懼始爲聿鍵請名立爲世孫崇禎五年王薨鍵年三十
一嗣位七年流寇披猖聿鍵念南陽要衝而城堞薄捐干
金謀修築知府陳振豪弗授功聿鍵以爲言崇禎帝震怒
逮振豪置理聿鍵又援潞王近事乞增兵三千人設參將
一以陳永福充之不許八年冬賊再犯南陽上疏臣府護
一千二百人近制以其半爲開封班軍給撫臣以下繇使

無謂惟明詔念臣困厄以全軍見還報曰南陽班軍番直
祖制已久朕不敢變時朝廷欲行宗室換授之法陳子壯
署禮部事執不可聿鍵貽書子壯相駁難其書稱說典訓
援據經傳皆有本廷臣顧弗及知特以爲諸侯王尙氣持
異同而已會子壯下獄衆口惜子壯者輒以尤聿鍵聿鍵
亦薄公卿不足重而爭宗藩體統効總督盧象昇不朝其
所建請頗多羣臣交忌之九年八月京師戒嚴聿鍵率護
軍勤王汝南道周以興止之不聽至豫州巡按御史楊繩
武以聞旨下切責會前鋒值寇亡其內豎二人乃還國廢

東南紀事

卷一

二 邵武徐氏刊

爲庶人安置鳳陽高牆使者欲以檻車往聿鍵自裁不殊
至鳳陽守陵閹人求賄不得墩鎖困苦之聿鍵不勝辱病
幾殆妃曾氏割股進始愈有司廩祿不時資用乏絕時望
氣者以高牆中有天子氣言於淮撫路振飛振飛假賑罪
宗入牆見聿鍵心獨異之聿鍵告吏虐狀振飛上疏請加
恩罪宗贍以私錢且謫其吏之無狀者福王初立大赦聿
鍵出高牆封南陽王遣官送寓平樂未行而南都陷南陽
王至嘉興前刑部尙書徐石麒淮撫錢繼登等請留監國
王不可六月八日潞王監國於杭州王拜賧賀越三日

大清兵至塘橫竊王出降瑞王惠王亦自紹興降初靖魯伯鄭
鴻逵邂逅王京師相識至鴻逵移軍還閩追浙河王方至
戶部主事蘇觀生翰林張家玉等咸以王可濟大業與鴻
逵奉王南行諸臣慷慨交拜矢獎明室共請王歸國王覽
啓悲慟進衢州收散卒得千餘人廿八日朝見臣民於建
寧閏六月三日次水口驛驛吏具大舟卻之乘民舟不飾
綵幔導去鼓吹民人聚觀相慶臨驛解朝謁行四拜禮王
答二拜賜坐安南伯鄭芝龍靖魯伯鄭鴻逵巡撫都御史
張肯堂閩廣督巡劉若金巡按吳春枝戶部侍郎何楷大

東南紀事

卷一

三 邵武徐氏刊

理卿鄭瑄左通政馬思理光祿少卿林銘鼎四川按察使
曹學佺御史郭貞一諸臣自南都來者皆素服待罪旨弗
問時議課州縣修官學佺曰仁聲儉德王政所先屠駕甫
臨而先有茲舉不肖有司因而蠹民無乃彰王過乎亟止
之王欲擇戶部尙書咸舉何楷楷辭王諭曰往崇禎乙亥
孤聞卿抄得侍郎掖垣諸疏藏之中心已非一日古云臨
危杖節必敢諫中求之其勿固辭楷乃受任曹學佺陳三
事其一福建正供悉貽兵饟毋或濫支以防不給其一禮
成之後卽命鄭鴻逵抵關相度防守進取事宜以聞其一

禁游兵行剽令舊軍速招歸伍以紓民王曰此海內宿儒也命悉允行初七日王監國於福州祭告天地設行太廟唐國宗廟用太牢駕入城居南安伯府二十七日卽帝位詔曰朕以天步多艱王室不靖荷茲監國已及經旬四方懷風勤王之師漸集方躬履行陣莫敢竄居而文武臣僚咸稱渙萃之義責於立君寵綏之功本于天作時哉弗可失天定靡不勝朕自顧闕然未有不續以仰對上帝祖宗自臨安委轡尊攘無期小大汎汎有如河水朕敢不敬承勉從羣望爰稽載籍光武聞子嬰之信六月卽位鄒南以東南紀事

卷一

四 鄒武徐氏刊

是年爲建武元年誕膺天命昭烈聞山陽之信四月卽位漢中以是年爲章武元年立宗廟社稷艱危之中豈利大寶亦惟興義執言繫我臣庶之志以今揆古豈曰不宜其以今年七月一日以後爲隆武元年奉天朔運定難功臣次第進爵稍俟恢復裂土酬庸宣猷守正文臣亦進級孝秀者宿軍民人俱優給所在山川鬼神除淫祀不在典制者皆遣正官精禋祭告以明朕續承基緒爲天下請命之意先是張肯堂建議如唐肅宗故事以監國稱天下兵馬大元帥俟復南京然後卽位王尙猶豫羣臣多勸進乃從

之以布政司爲行殿門曰行在大明門駕自督府移蹕芝
龍戎服前導鴻達以禁旅百官次扈從侍班鵠立始聞環
佩之聲及寅王御袞冕升殿受朝賀頒詔於各省府州縣
大赦是日南郊大風揚沙拔木尙寶卿馬驚王璽墜地損
其一角人咸嘆異上唐園四親帝后號謚改福建省爲福
京福州爲天興府府學爲國子監百官俱稱行在論翊戴
功封鄭芝龍爲平魯侯鄭鴻達爲定魯侯鄭芝豹澄濟伯
鄭彩永勝伯張肯堂爲吏部尙書吳春枝兵部尙書周應
期刑部尙書鄭瑄工部尙書曹學佺太常寺卿起蔣德璟
東南紀事

卷一

五 邵武徐氏刊

黃景昉蘇觀生何吾騶黃鳴俊陳子壯林欲楫曾櫻朱繼
祚傅冠皆爲大學士閣臣至二十餘人然票旨多王自裁
俱閒無事或遠未達軍國大政一委芝龍行朝仰成而已
是月鄭遵謙等起兵紹興進守錢塘金聲亦扼徽州阻上
江由是閩嶺晏然藉以休甲尋命芝龍兼戶兵工三部尙
書開府天興坐見九卿入不揖出不送

大清順治二年乙酉七月朔王下詔親征詔曰朕痛念祖陵閔茲萬姓中心搖搖如在水火擇於八月十八日亭午禡祭親統六師勅平魯侯芝龍爲御營中軍定魯侯鴻逵爲左

先鋒尙賴文武諸臣襄力効謀有功者賞朕不爾負命訪求十六朝實錄及古今遺書論行在日用以儉樸爲本有司不得背旨阿奉違者以不敬論勅司禮廳天壽行宮中毋用金玉器帷幔毋用錦繡濃花洒線止用居常銅錫布帛王長齋日御便殿見大臣性好讀書手自披覽常丙夜不休南都之敗馬士英奔浙江路王監國時猶持故態執黃道周章不下後遇亂軍踉蹌流涕落屣竄方國安營中聞王卽位又謀入覲鄭芝龍雅善之言士英不卽北降亟欲求立太祖子孫罪可貫下其議於朝堂王出獨斷傳諭

東南紀事

卷一

六 鄒武徐氏刊

各關軍將毋納士英初王在杭州訪故臣於張家玉家玉舉黃道周王曰得此商輅周鼎當爲廊廟羽儀至是道周自衢州入見喜稱之曰眞名相也卽日晉少保吏部尙書武英殿大學士入閣辦事王以家玉直起居注家玉言唐魏謩爲文宗起居舍人文無避諱不令人主見今陛下自待豈啻唐宗臣愚亦不肯居魏謩下王嘉納家玉嘗薦句容人何成吾敏吾兄弟天下奇才乃心明室且家近南都可觀釁又句容知縣宗室議從王心識之及金聲自徽州遣諸生戴明恩齎奏至詔陞聲兵部侍郎僉都御史巡撫

池太極靈因授成吾總兵敏吾爲副與聲犄角共取南京敕成吾曰兵行所至不可妄殺有髮爲順民無髮爲難民此十字可切記也敕議從曰朕自許忠孝爲法受過百折千磨今爲祖宗復仇有進無退宗卿朕猶子行其克悉朕心出險亨屯助朕以助祖宗於乎欽哉高廟亦予祐爾于無窮議從成吾等結七十二村聚衆至八千人卒不就而徽州告急

大清

兵進建昌命永勝伯鄭彩出關援之汀州大旱斗米三百

錢王決意親行乃封弟聿錡爲唐王監國福州某爲鄧王

東南紀事

卷一

七 鄒武徐氏刊

協守都城駕發辛江父老遮道泣留復止鄭芝龍沮之也是月以副總兵施福守崇安關命首輔道周出師江西浙東諸將奉魯王以海監國於紹興王卽位詔至魯王欲守藩大臣張國維熊汝霖陳函輝等以爲舉足一勦義師星散浙亡閩亦危願堅奉監國以督厲將士事成入關者王於是不受隆武年號使者劉中藻廢然而返王心雖弗能善然猶藉錢塘爲外屏手書致魯王曰朕與王同氣共本聖祖王無忘朕之焦勞朕無忘王之危厄一誠金石豈惑浮詞當遣兵赴王上報孝陵王其愛玉體以需天休八月

乙酉以鄭芝豹爲前軍左都督賜總兵黃蜚璽書令屯太湖收兵聯絡三吳庚寅以黃斌卿爲官義兵馬招討總兵官帥舟師屯舟山便宜恢取南京王御門親餞百官郊送壬辰立妃曾氏爲皇后性警敏頗知書有賢能聲每召對奏事后於屏後聽其決進止王頗嚴憚之罪倡逃辟邵武知府吳文煒綏推官朱健叙廣信知府解立敬鉛山典史周寅生守城功贛州告急命上游巡撫吳春枝移駐邵武汀州總兵陳秀援建昌參將周之蕃剿武平以陳豹爲防海將軍鎮漳泉興汀惠潮授南昌人羅大任少詹事募

東南紀事

卷一

八都載餘氏刊

兵恢南昌黃雲師大理少卿募兵恢九江南饒贛州人曾應遴兵科給事中募兵援贛州遣張家玉監鄭彩軍招撫臣華謝朝恩丁未副總兵楊武烈守備元體中復新城命都御史楊文聰誠意伯劉孔昭分屯處州王郊天南臺鄭芝龍鴻達皆稱疾不出何楷劾二勲不陪祭無人臣禮王賞其風裁旣而鴻達扇於殿上楷呵止之楷告歸盜截其耳於道詔追盜不得時軍興饑亟芝龍請於兩稅內五石預借銀一兩民不樂從反愆正供以浦城訓導王兆熊爲御史督義饌不輸者榜其門不義於是閭里騷然芝龍又

請括寺田王不聽封芝龍子森爲忠孝伯賜姓名朱成功總督禁旅督師何騰蛟自長沙楊廷麟萬元吉自贛州皆遣使奉表迎乘輿大學士蘇觀生請先行出屯南安王幸雍祭酒賴垓進講三品以上官坐聽其餘侍圍橋觀者濟濟遣使冊封桂世子由根爲桂王黃斌卿兵敗於崇明永寧王起兵復建昌撫州副總兵施福入弋陽

大清

兵大舉臨廣信攻福張家玉使洪旭林習山救之是月靖江王亨嘉稱帝於桂林舉兵入梧州執巡撫瞿式耜贛州萬安軍亂九月兩廣總督丁魁楚圍桂林瞿式耜應之執

東南紀事

卷一

九都載餘氏刊

靖江王亨嘉送福州廢爲庶人其黨皆伏誅論功封魁楚爲平越伯晉式耜兵部侍郎副都御史焦璉陳邦傳等加秩有差亨嘉尋病死王意不次用人擢鎮江諸生錢邦已爲御史大學士熊開元爭之不得已而邦已議開元開元引退又出內降用王期昇彭遇颺路振飛曾樓皆言不可乃已時粵閩之境盜賊蜂起汀州大饑且疫兵民所在鬪譁兵疲饑匱而出關之議竟同築舍四國人心遂至瓦解乙未祭告天地太廟丁酉禍駕出洪山橋祖餞鄭鴻達鄭彩授鉞是日風雨晝晦二將行數十里仍疏稱候饌皆不

行庚子曾后廟見先一日王遣官用牲預告祇見之意命勳臣芝龍行禮丙午大祀天地於南郊命兵部主事徐孫彥頌詔於四方擢浦城知縣鄭爲虹御史巡仙霞關仍知浦城命太僕少卿林蘭友巡撫江西諭之曰江西憔悴於貪政久矣卿往須破情格以朕先教後刑先情後法八字行之又八字曰小貪必杖大貪必殺能行此十六字始不負朕親簡耳設蘭臺館纂修威朝實錄以曹學佺領之召閩縣老人周良屏問民疾苦冬十月

大清張天祿陷徽州巡撫都御史金聲死之金堡奏言福京倚

東南紀事

卷一

十都武餘氏刊

新安爲北門而臣前至仙霞見鄭鴻達方遣兵出關臣度其駐三衢耳不能長驅也陷既四十餘日矣我師逗留觀望未有爭先之氣新令日行民心日變異時以精兵數萬仰而攻之猶當徘徊於衢嚴饒信之間能保其必下乎起義舉人汪沐日奔走乞援曲折素諳不以此時捲甲疾趨乃令偕葉向耀借兵借饟待其集事須五十日大事去矣四方望閩中之兵如在天上下今兵力將心臣已窺其大略上江疑而楚豫斷新安去而三衢危陛下卽欲爲王審知豈可得哉堡數危言王嘉其才氣而鄭芝龍不悅授禮科

給事中出監鄭遵謙軍

大清金聲桓會兵圍撫州永寧王告急張家玉言腹心之患在南昌咽喉之患在徽州旣失徽則饒嚴危失饒嚴則廣信必不支而崇關不能守陛下大事去矣兵貴速不貴久貴合不貴分我以待兔之愚長彼蠶食之漸坐而自斃請急勅鄭彩由杉關出撫建分兵一擣南昌一援饒州再令黃光輝曾德等由江山直上衢嚴襲徽歛縱不能進亦可自救諸將施福陳梧等皆善家玉計而彩久駐邵武不肯出關有詔切責亦不從家玉太息而已是月李自成將賀珍

東南紀事

卷一

十都武餘氏刊

大清兵於許灣家玉約陳輝林習山蔡欽三道會許灣夜人定後火起令堅壁敢救火者斬且搜暗處置伏旦兵果大至四面突擊洪旭爭先斬級兵少卻家玉親立陣前督陳黃虎李明忠趙珩等出營大戰殺兩總兵獲級四百奪馬四十匹器械無算午時協將陳有功戰死大軍合數萬來戰矢如雨下沿山舉火赤地震裂

大清將王得仁鄧雲龍侯天寵等以書來招趙珩令其勸降衆惶惑多偶語珩懼互相疑忌家玉執珩手拔劍斫案曰行

間離我兄弟我等益當勦力爲國吐氣軍中敢疑謗者有劍人心始定然猶無戰意十五日子時家玉設高皇帝關壯繆位牽諸將泣拜設賞金於前使郭毓卿李明忠陳良趙珩分帥死士百人伏谷中遂拔大營走大兵合一萬來追入伏大軍紛拿家玉鼓譟回軍大破之步兵五千殆盡騎兵舍馬渡河溺死過半撫州圍解論者以是役爲福州戰功第一家王令都司黃瑛齋蠟書間道奔入撫州檄永寧王部將謝志良閻羅宋蕭聲曹兌光等乘虛襲老營十六日戰於金坡家玉夾擊大軍死者五百餘人馬死者三百餘匹營中婦女三百四十三人就近親戚歸之收其酒米犒軍得鄉紳諸生書悉令燒毀時

東南紀事

卷一

三都武徐氏刊

大清兵所至令民薙髮而南軍遇無髮者輒殺不問難民因是多輸牛酒爲間導南軍咫尺不得虛實饒導俱絕家玉設小牌免死給與難民歡呼來歸者千百人奏請遣人分入鄉落解散有能收復州縣者卽以首領官酬之陣沒陳有功葉燾子祭葬廕謚立祠許灣斬總兵逃者許象乾俱報可於是軍政明肅人始用命家玉奏功俱歸永寧王詔俟恢復南昌日卽封親王是月魯王勞軍於西興拜方國安

爲大將統諸營十二月朔日有食之吏部郎趙玉成與尙書張肯堂同籍江南上言臣等生長海濱請以水師千人從海道直抵君山襲取南都以迎陛下計陛下陸行期同會於金陵王大喜命鄭芝龍具艘芝龍笑諾會有言水師諸臣宜留其家口以防逃歸者事不果於是王決意親行是月六日發芋江命芝龍留守福京制置兵饒兼掌宗人府事南平古田縣民遠餽酒米封鄭遵謙爲忠義伯前汝南兵備副使郁啟遣趙貴入賀以啟爲總理楚豫提督軍務討逆安順兵部右侍郎鄒撫河南詔輔臣黃鳴俊出轡

東南紀事

卷一

三都武徐氏刊

大清將張天祿誘執大學士黃道周於婺源生致南京道周死之是月臨安蒙白土舍沙定洲作亂據雲南黔國公沐天波奔楚雄定洲追之天波走永昌

大清順治三年丙戌正月王在芋江初九日夜雨雹如拳唐鄧二王及居守百官行拜賀禮不受下詔以三大事自責羣臣俱戴罪馬金嶺兵變命路振飛往浦城安撫都御史陸清源犒師浙江魯王使陳謙奉書稱皇叔父不稱陛下王怒下謙獄鄭芝龍與謙有舊錢邦芑出芝龍門而見親於

王密奏議爲魯心腹與鄭至交不急除恐變生王斬謙浙闔聘好遂絕川陝總督樊一蘅遣官入賀交趾日本皆遣使入貢並手冊答之勅上游巡撫吳春枝簡練壯丁賜松滋東會瀘溪延津四王春宴銀廣東布政司湯來賀浮海轉饒十萬遷戶部右侍郎江西御史艾南英劾來賀奸邪不可信用不報王出師次於延津拜泉州布衣蔡鼎爲軍師召郭煒陳秀引兵赴建寧命朱成功出永定關江西巡撫劉廣庠都給事中曾應遴招撫閩寇以黃光輝兵敗貶鄭鴻逵爲少師責鄭彩戴罪上游巡撫吳春枝罷以吳閩

東南紀事

卷一

西鄉武徐氏刊

禮代之賜降將郝搖旗名永忠璽書賜大學士王應熊於四川假便宜舉用大小文武官大雨雹冊皇弟鄧王長子琳羨爲陳世子從征視膳中書官講讀導以禮儀加守金華兵部尙書朱大典閣銜命與方國安和衷同濟時艱十六日鄭彩逃入永定關張家玉曰新城永定屏障福京門戶不可棄也彩怯竟棄家玉逃入關城中兵民皆覓家玉與知縣李翔仰天慟哭誓死不去以鄉兵二百人扼守新城以親兵百人戰於城下數十合殺五百餘人大軍馬步圍家玉三周家玉中流矢墜馬折臂氣絕都司林雄冒礮

被入陣殺一將挾家玉還營家人已遇害王聞報大怒曰統兵大將盡走入關獨令文臣陷陣何以自解家玉乞骸曰臣得從入旬王父母五旬父母生還相見死無復恨優詔慰答時聞兵在廣昌距新城二百里家玉嚙指血書請救廿二日聞兵至南豐

大清

兵引退是月沙定洲陷大理蒙化屠之洱海道楊畏知起

兵於迤西定洲還圍楚雄二月二日王駐蹕建寧故相何吾騶入覲以爲首輔閭閻不足鄭芝龍白遣給事中梁應奇督運廣東奏劾稽饒者數十人命逮問亦莫應潮州知

東南紀事

卷一

西鄉武徐氏刊

府楊球遂止粵界不敢入芝龍令撫按以下皆捐助有官助紳助大戶助又從李長倩言開事例大需官爵部司道二百兩餘百兩武劄數十兩至數兩於是倡優厮隸盡列冠裳拜謁官府鞭撻里鄰守令泣訟兩造皆稱職官側立而語互毆於庭不可制受害者延頸

大清

兵謠曰清行如蟹蓋遲其來也晉張家玉右僉都御史巡

撫廣信制曰爾許灣捷而建撫復壯猷追允文采石之前新城守而杉關寧嘉績在萊公鎖鑰之上今者箭瘡勿藥宗社賴之爾其卽日領敕長驅誓於今歲拜我孝陵家玉

陛辭言募兵制器非一人一日可理天下盡忠而且智臣

獨忠而且愚他日有急陛下無以尹鐸爲少聞者悲壯其

言先是李自成已死其黨李錦高一功等尙數十萬衆因

湖南巡撫堵胤錫請降胤錫表聞乞封錦等爲侯王難之

家玉及檢討蔡之俊合疏言曲突徙薪事幾不再當乘其

銳氣會擣金陵勿令轉合敵人後悔噬臍遂封自成妻高

氏爲英淑夫人錦左軍侯賜名赤心一功右軍侯賜名必

正餘皆封侯軍名忠貞營攻荊州將克會大霧赤心等方

蓐食忽救兵數萬至師大潰胤錫急令楊國棟張光翠分

守澧州回子河以固湖南晦命輔臣傅冠及朱成功督郭

煒陳秀等拒

大清兵於永定關加謝德溥東閣大學士制置義兵張家玉自

請募兵惠潮王遣之三月奪鄭彩永勝伯爵及黃鉞賜劍

敕書命民被迫剪髮者監義民旗自別白命成功招集鄭

彩逃兵毋令擾民王將取道於汀命募兵汀州施福林順

至建陽以張名振爲捧日將軍副黃斌卿屯舟山贈松江

死事夏允彝沈猶龍章簡李待問侯承祖等官有差吳江

吳易起兵於太湖授右副都御史陳子龍僉都御史楊廷

樞兵部主事廿四日

大清兵陷吉安萬元吉退守皂口傅冠自邵武趨建昌饒廣後

軍不進拔營歸冠乞罷不許夏四月金華行宮成遣官迎

駕王諭近臣曰靖義侯方國安江上戰功獨多勲臣劉孔

昭世臣中深明大義辭公爵來歸科臣劉中藻奉使開詔

挺然義形於色勲臣鄭遵謙起義獨先誠心翊戴勲臣黃

斌卿雖未有恢復顯功而拒守舟山相機進取此數臣者

朕均倚爲腹心手足在廷其體朕心毋致嫌疑優詔晉貴

州巡撫范鏞右都御史諭雲南巡撫吳兆元卿久鎮滇疆

無遺朕南顧憂贈黃土隘死事元體中李茂德等八人黃

斌卿襲殺副使荆本徹奪斌卿伯爵晉湯來賀兼行在兵

部右侍郎便宜恢剿湖東立三御營以郭煒爲鎮武營陳

秀爲威武營黃光輝爲勇武營五日王壽節不受賀用太

牢遙祭二祖列宗配以唐國祖宗以程珦巡撫惠潮

大清兵薄崇安大學士蔣德璟自請行關詔責施福逗留口與

張家玉守新城而鄭彩逃入關何異福退死三尺易若前

向死敵德璟請告歸泉州六日皂口兵潰萬元吉入贛州

故贛督李永茂自南雄遣吳之藩張國祚帥粵兵五千拔

東南紀事

東南紀事

賴賴城倉皇爭竄元吉欲斬其妾之出署者人心乃定十七日

大清兵圍賴州元吉與兵科給事中楊文薦悉力拒守蘇觀生引所部退走南康王念國家元氣之削由於靖難命追復建文年號立方孝孺祠設姚廣孝像於階下又追復吳王允燭衛王允熲徐王允熒及建庶人封謚冊封趙王命撫臣盧若騰就近行禮擢袁彭年吏科都給事中晉土司沐增太僕少卿沐懿四川右布政以勸義輸以總兵包象乾守汀州籍石寧建瑞亂民之壯者爲兵汰老弱歸農遺黃東南紀事 卷一 五 鄧武徐氏刊

興施福守崇安林順曾德守仙霞歲滿更番水軍都督周崔芝遣人如日本乞師王卽位一年無尺寸功羣臣建義者衆兵尙書呂大器言用人太濫所用人又相援引虐民叢盜望治何由御史湯芬言可發海師直擣吳浙主事吳鍾繹言首克南昌選鋒進取爲上策若舍此他圖關門一有騷動全閩震驚矣王皆善之而不能行諭臣民曰爾等立朕爲君志在救民雪祖朕將暫至邵武相機出關古人創業中興誰不危而後濟朕以寧進死不退生六字自誓如有敢請駕回天興及避幸廣東者立斬以殉亡何閩侯

二縣耆老詣延津請駕回福京王太息曰卽位十有一月日夜所思何事豈得回鑾但恨在閩不能安閩閩民不負朕朕負閩民多矣建寧諸生請大駕再臨建水王曰朕進取之志甚銳萬無轉蹕之理鄭鴻逵久頓兵關門一日兵譁誤謂大兵至徒號棄軍逃歸三日夜抵浦城詔削其爵芝龍則請閩饒共需一百五十萬王諭之曰卿兄弟擁戴朕躬朕所委託但國蹙民貧錢糧止有此數所奏卽竭三省之力不足從未有關籬不固止於家門堵賊者此理甚明今議以兵三萬守關一萬守腹不復可增若有別議東南紀事 卷一 五 鄧武徐氏刊

旁撓是彼蒼不助中興朕亦惟有退避賢路而已王聞沙縣寇患詔蠲通賦是月閩中地震撫州陷永寧王死之以新撫永安沙縣山寇隸陳國祚受朱成功節制兵部侍郎于華玉以漳州兵入衛至歸化不戰士民閉城拒之命華玉及羅登輔留止順昌張思道留止歸化俟駕來從行敕曰朕痛兩京淪沒全非寇敵之故止因兵民相戕致危宗社今日僅此彈丸冀資民力恢復若復傷民將促國脈新兵未經節制故諱卿宜振刷務令民安毋徒憂謗廣西酋長農國琦破縣城逐知縣巡撫晏日曙討平之獲國琦傳